

PUSO/TSAMAIISO EA KEREKE

Lenane-Thuto

Notes

THUTO EA #1:

- I. Selelekela sa thuto.
- II. Mefuta e mene ea Botsamaisi ba Kereke.
- III. Popeho ea Botsamaisi ba Kereke:
 - A. Kereke ke 'mele.

THUTO EA #2:

- III. Popeho ea Botsamaisi ba Kereke:
 - B. Bongoe Liphapanong.
 - C. Mehlala ea "'Mele"
 - D. Kamahanyo le ts'ebeliso ea Tsamaiso ea "'Mele".

THUTO EA #3:

- III. Popeho ea Botsamaisi ba Kereke:
 - E. Ts'ebetso ea ho lumella Botsamaisi ba 'Mele.
 - F. Litla-morao tsa ho Hanyetsa Tsamaiso ea 'Mele.
- IV. Boetapele Tsamaisong ea Kereke.

THUTO EA #4:

- IV. Boetapele Tsamaisong ea Kereke. (nts'etso-pele.)
- V. Sepheo sa Tsamaiso ea Kereke.

THUTO EA #5:

- VI. Mokhoa oa Tsamaiso ea Kereke.
- VII. Litholoana tsa Tsamaiso ea Kereke
 - Tlhahlobo.

PUSO/TSAMAIISO EA KEREKE

Notes

Tlhahlobo

Lipotso tse ka lebelloang, Limaraka li 20

- 1) Khetha o le mong oa mefuta ea “Lefats’e” ea Puso/Tsamaiso e be u e bapisa le puso ea ‘Muso oa Molimo. Bua ka boetapele, sepheo, mokhoa, le litholoana tsa puso eo (maq.57-60).
- 2) Hlalosa ntlha ea bongoe liphapanong kahar’a ‘mele oa Krete (maq. 62,63).
- 3) Haha maikutlo a ts’ehetso o ipapisitse le Bibe le bakeng sa bongata/’moka oa boetapele (maq.72-76).

Lipotso tse ka lebelloang, Limaraka li 10

- 1) Sebelisa Baefese 4:12-15 ho bolela sepheo kapa “Hobaneng?” ea kholo ea kereke (leq.62).
- 2) Fana ka tlhaloso-kakaretso ea hore na ho lokela ho etsahale eng bakeng sa hore kereke e hole (maq. 67,68).
- 3) Ke lintho li fe tse peli tseo kereke e lokelang ho li lumela hore e tle e khone ho haha mofuta oa Bibe le oa tsamaiso/puso ea kereke?(leq.68)
- 4) O sebelisa 1Bakr 3:1-7, hlalosa hore na ho etsahalang kerekeng e sa shebeng lineo ka tsela ea tekano (leq. 70).
- 5) Ke ntho e fe e ka etsang hore “bongata/’moka” oa boetapele o khonehe? (leq.76)
- 6) Bolela li-pheo tse tharo tsa Botsamaisi/puso ea kereke (leq.77,78).

PUSO/TSAMAIISO EA KEREKE

Notes

I. Selelekela sa thuto.

A. Sepheo sa thuto ena ke ho fana ka Mofuta oa Bibe le oa Tsamaiso ea Kereke.


B. Lintlha-kholo tse hlano li ea fanoa:

1. **Popeho** ea Tsamaiso ea Kereke.
2. **Boetapele** Tsamaisong ea Kereke.
3. **Sepheo** sa Tsamaiso ea Kereke.
4. **Mokhoa** oa Tsamaiso ea Kereke.
5. **Litholoana** tsa Tsamaiso ea Kereke.

II. Mefuta e Mene ea Tsamaiso/Puso.

A. Hona le mefuta e meraro ea Tsamaiso/Puso ea “lefats’e”.

1. Mofuta oa Tirano oa Tsamaiso/Puso.



- a. Kahar’a puso le tsamaiso ea Tirano, hona le sehlopha se senyane haholo sa ba nang le matla a tsamaiso.
- b. Batho ba bang ba selikalikoeng sa boetapele kapa ba lehang ho ba karolo, ba qheloa ka mekhoe e fapakaneng ea ts’usumetso.
- c. Ekare hona le bokuli bo thibelang ba bang ho ba kahar’a selikalikoe sa boetapele.


PUSO/TSAMAIISO EA KEREKE

Notes


2.

Puso ea Likhoka le khatello.

(*) = Mohatelli
(?) = baqholotsi
(// \\\) = Marako



- Mofuteng oona oa tsamaiso le puso, ke motho a le mong a nang le matla a tsamaiso.
 - Ka mekhoha e mengata e fapakaneng ea taolo, motho enoa a le mong o ikhahela marako a ts'ireletso bakeng sa boemo ba hae e le ho thibela mang kapa mang ea ka lekang ho moqholotsa.
3. Botsamaisi kapa Puso ea Bohare.



(#) = baetapele
(#) = Baetapele ba fihla, ba tsamaea
(*) = baetapele


- Mofuteng oona, hona le sehlopha se senyane sa ba nang le matla a tsamaiso.
- Ba bang ba lumelloa ho ba karolo ea sehlopha sa tsamaiso ha e mong oa litho a lokela ho tloha kahar'a sehlopha. Maikutlo mona ke ho boloka mokhoa oa tsamaiso o ts'oana ka ho koala likheo tsa ba tsoang. Litho tse ncha li ea khethoa. Hangata batho bana ba fumana boemo ka baka la batho ba ba tsebang (lelapa, mosebetsing, likamano tsa bopolotiki, metsoalle).

PUSO/TSAMAIISO EA KEREKE

B. Mofuta o Mong oa Tsamaiso/Puso ke Mofuta oa Molimo oa Tsamaiso.

Notes

1. Mofuta oa 'Mele oa Tsamaiso/Puso.



- a. Mofuteng oa 'Mele oa Tsamaiso, matla oohle le boikarabello, li qala ka Jesu.
 - b. Boikarabello bo abeloa sehlopha sa baetapele, bao mosebetsi oa bona ke ho etsa se ts'oanang.
 - c. Ba abela ba bang matla le boikarabello.
 - d. Maikutlo-kholo mona ke likamano le katiso. Taba ha se ho ts'oarella litulong le matleng, empa ke ho lokollana ka matla le ho etsa katiso ea tsamaiso.
2. Mofuta oa 'Mele oa Tsamaiso, o lokela e be oona mofuta oa kereke oa Botsamaisi. Ka bomalimabe, likereke tse ngata ha li sebelise mofuta oona.

C. Mofuta ka mong oa Tsamaiso/Puso o na le Mokhoa o Fapaneng oa ho fumana matla le taolo.

1. Mofuta oa Tirano oa Tsamaiso/Puso, o ba le taolo ka matla a nama. Re ka re taolo ea oona e tla ka molomo oa sethunya o hlahisitsoeng lesobeng la lemati la ofisi.
2. Mofuta oa Likhoka le khatello, o ba le taolo ka lebitso la boemo ba 'musi. Re ka re taolo mofuteng oona e bonahatsoa ka lets'oao leming la ofisi.

PUSO/TSAMAIISO EA KEREKE

Notes

3. Tsamaiso/Puso ea Bohare e ba le taolo ka Boemo bo khethehileng. Re ka re taolo e bonts'oa ke Tafole kahar'a ofisi. Setho ka seng se lula setulong se ts'oahiloeng bakeng sa boemo ba hae.
4. Mofuta oa 'Mele oa Tsamaiso/Puso, o ba le taolo ka bosebeletsi. Taolo e tlisoa ke bosebeletsi le ts'ebetso. Ha u bula lemati la ofisi o tseba hore na baetapele ke bo mang ka seo ba se etsang.

Ntlha ea Puisano

Shebang le be le buisane ka sets'oants'o se ka tlaase sa mefuta e mene ea Tsamaiso/Puso. Nka nako ea ho beha sena ts'ebetsong le ho bapisa lintlha tse fapakaneng. Karolo e setseng ea thuto ena e amana le lintlha tsena.

POPEHO	TIRANO	BOHATELLI LE LIKHOKA	BOHARE	'MELE
BOETAPELE	Tsamaiso e Mpe	Motho a le mong	Batho ba fokolang ka palo	Bongata kapa kopanelo
SEPHEO	Ho tlosa ka khang le ka nto	Ho nka taolo eohle	Ho boloka tsamaiso e ts'oana kamehla	Ho Hlomella, ho holisa, le ho haha bongoe
MOKHOA	Taolo e mpe ka khatello (Matla)	Boiphafo ba taolo ka lits'oso le pherekanyo (Lebitso)	Kananelo ea matla ka baka la boemo (Boemo)	Taolo tlholehong ka bosebeletsi (Ts'ebetso)
THOLOANA	E tlosa Boetapele (ho fokotsa) (-)	E hlapolla Boetapele (khohang) (0)	E eketsa Boetapele (fetola) (ho eketsa) (+)	Katiso ea Boetapele (ho atisa)(x)

PUSO/TSAMAIISO EA KEREKE

III. Popeho ea tsamaiso/puso ea Kereke.

Notes

—

A. Kereke ke ‘Mele.

1. Ha se booko feela. Ha se setsi sa bohare sa taolo (joaloka ka mofuta oa Bohareng oa tsamaiso).
2. Ha se molomo o le mong. Ha se motho ea mong ea hlaheletseng (joaloka tsamaiso/puso ea likhoka le khatello).
3. Ha se feisi e le ngoe. Ha se sehlopha sa menoana e kopanang bakeng sa ho etsa matla (joaloka ka mofuta oa Tirano).
4. Ke ‘mele. Ke sehlopha sa litho tse fapaneng empa ba na le sepheo se le seng.
 - a. Kahoo, tsamaiso ea ‘mele oona e lokela ho ba le tumellano le bo-eona. E lokela ho sebelisoa bakeng sa besebeletsi le lits’ebeletso tse fapakaneng tsa litho tsa eona, empa ho ntse ho bolokiloe sepheo se ‘nots’i.
 - b. Taba-kholo ke hore tsamaiso/puso e hahiloe holima bongoe liphapanong tsa litho.

B. Bongoe kahar’a liphapano.

1. Bongoe kahar’a liphapano bo sebetsa joang?
 - a. Kereke e bapisoa le ‘mele. ‘mele o mong. Empa ‘mele o hokahantsoe bongoeng.
 - b. Leha ho le joalo, ‘mele o na le litho tse fapaneng. Empa litho tsena kaofela li na le sepheo se le seng.
 - c. Ka nako e ts’oanang, litho tsena li na le mesebetsi le boleng bo fapaneng.

PUSO/TSAMAIISO EA KEREKE

Notes

Mohlala oa Sengoli:

Tje kaha e le litho tsa 'mele o le mong, mangoele le lirao li batla ho lula. Mangoele a lokela ho kobeha. Lirao li lokela ho lula. Setho ka seng se lokela ho etsa karolo ea sona.

Haeba mangoele a hana ho kobeha, lirao li ke ke tsa khona ho lula. Haeba lirao li hana ho lula, ho kobeha ha mangoele ho tla bo se na thuso. Ha li sebetsa 'moho, bongoe bo ea etsahala phapanong ea litho tsena.

Molao oa bongoe kahar'a liphapano, le kerekeng ke ntho e teng, kaha kereke e le 'mele (sheba! Bakr 12:12).

Ntlha ea Puisano

Na kereke ea hau e akofisa le ho lumella bongoe kahar'a liphapano? Bolela lits'ita tse ka etsang hore hona ho se ke ha etsahala

2. Hobaneng bongoe liphapanong e leng ntho e bohlokoa?
 - a. Ts'ebeliso ea bongoe kahar'a liphapano ke senotlolo sa kholo ea Kereke.
 - b. Bala Bae 4:11-16.
 - 1) "Lineo tsa bosebeletsi" bo fapakaneng li ea fanoa (tem 11).
 - a) Lineo tsena li araba potso "eng?" bakeng sa kholo ea kereke.
 - b) Ke likarolo tse tla sebelisoa bakeng sa kholo ea Kereke.
 - 2) Lineo tsena li fanoa ka sepheo se le seng (tem 12).
 - a) Sepheo se totobetseng ke hore litho tse fapakaneng li hole hammoho (tem 13).
 - b) Ho qoba ho se hole (tem 14).
 - c) Empa ho akofa kholong (tem 15).
 - d) Sepheo sena se araba potso ea "Hobaneng?" bakeng sa kholo ea kereke.

PUSO/TSAMAIISO EA KEREKE

3) Sepheo sena se tla fihleloa ka ho ba le boitsebelo ba bongoe liphapanong (tem 16).

a) Boitsebelo bona bo araba potso ea “Joang” bakeng sa kholo ea kereke.

b) Kantle ho bongoe liphapanong, sepheo se ke ke sa fihleloa ka botlalo.

c. Kholo ea kereke e ipapisa le ts’ebeliso ea bongoe kahar’a liphapapno. Kahoo, Botsamaisi ba kereke bo lokela ho lumella le ho akofisa bongoe kahar’a Liphapano. Hona ke eona tsamaiso ea ‘mele.

C. Mehlala ea “Mele.”

1. Booko ba ‘mele ke Jesu. O bolella kereke (‘mele) ho etsa lintho tseo a li laetseng molemong oa ho hola.

a. Kereke e kenyeletsa litho tse ngata, tse fapakaneng. Ba bang ke melomo. Ba bang ke maoto. Ba bang ke mahlo. Ba bang ke meno.

b. Ka baka la mabaka a mangata a fapakaneng, litho tse fapakaneng tsa Kereke ha li sebetse ‘moho.

c. Kereke ha e khone ho hola ka baka leo, hobane hore kereke e hole, e lokela ho sebetsa ka bongoe. Karolo ka ngoe, e lokela ho sebetsa le tse ling.

2. Tsamaiso/Puso ea Kereke e lokela ho sebetsa ka mokhoa o lumellanang le melao ena. E lokela e bopehe joaloka ‘mele. E lokela ho sebetsa ka bongoe kahar’a phapano.

Ntlha ea Puisano

Sebelisa mehlala e latelang ho bolela hore na melao ea bongoe kahar’a phapano le ts’ebetso ea ‘mele li ka amahanyoa joang le botsamaisi ba kereke.

Notes

—

PUSO/TSAMAIISO EA KEREKE

Notes —

Mohlala #1:

Booko bo re “Jaa!”

Empa haeba molomo o sa ikemisetsa ho sebelisana le meno, ‘mele o ke ke oa khona ho fumana lijo (kahoo ‘mele o ke ke oa khona ho hola).

Meno a ikemiselitse ho hlafuna, empa molomo ha oa ikemisetsa ho buleha. Molomo o re o ke ke oa sebetsa le meno kaha meno a ile a loma molomo pounameng maobane (joale honajoale mosali oa molomo a ke ke a meta molomo ka baka la leqeba leo). Molomo o koatetse meno ha bohloko-hloko. Empa ha meno a leka ho ja kantle ho thuso ea molomo (o hanang ho buleha), ho tla senyeha.

Hona ke ntho e ts’oanang le Kerekeng.

Litho tse ling li ikemiselitse ho ja. Empa litho tse ling ha li ea ikemisetsa ho sebetsa ‘moho le ba bang. Hona le ba koatetseng ba bang ha bohloko-hloko. Qetello ke hore, ho ba le moferefere, kahoo kereke ha e hole.

Mohlala #2:

Booko bo re “Jaa!”

Empa haeba meno a sa ikemisetsa ho sebetsa ‘moho le molomo, ‘mele o ke ke oa khona ho ja (‘me o ke ke hola).

Molomo o ikemiselitse ho ja. O bulehile haholo. Empa meno a hana ho hlafuna. Meno a re a ke ke a sebetsa le molomo hobane molomo o na le monko o mobe (‘me honajoale mosali oa meno ha a na ho mometa). Meno a soabela ho sebetsa le molomo. Ha molomo o ka leka ho ja ntle le thuso ea meno (meno a hana ho hlafuna), ‘mele o tla khangoa.

Hona ke ntho e ts’oanang le kerekeng.

Litho tse ling li ikemiselitse ho ja. Litho tse ling ha li ea ikemisetsa ho sebetsa le ba bang. Hona le ba soabelang ho sebetsa le ba bang. Qetello ke hore kereke e ea khomeha, ha e khone ho hola ka baka leo.

PUSO/TSAMAIISO EA KEREKE

Mohlala oa #3:

Booko bo re: “koetlisa ‘mele!”

Empa haeba meomo e sa batle ho sebetsa le maoto, ‘mele o ke ke oa khona ho koetla (‘me o ke ke oa khona ho hola).

Maoto a ikemiselitse ho koetla. A qala ho tsamaea. Empa meomo e sala e tiile. Esale e sa koetlisoe. Haeba maoto a leka ho koetla kantle ho thuso ea meomo, ‘mele o tla shebahala e ka o qhoalile.

Hona ho ts’oana le Kereke.

Hona le litho tse ikemiselitseng ho koetla. Empa litho tse ling ha li so koetlisoe ho hang. Qetello ke hore, kereke ekare e qhoalile ‘me kholo ha e be teng.

Mohlala oa #4:

Booko bo re: “Koetla!”

Empa haeba maoto a sa batle ho sebetsa ‘moho le meomo, ‘mele o ke ke oa khona ho koetla (‘me kholo e ke ke ea ba teng).

Meomo e ikemiselitse ho koetla. E lokolohile. Empa maoto a sala a le thata. Ha a khone ho tsamaea kaha ha a so ka a hlomelloa ho hang. Kahoo, ha meomo e leka ho koetla kantle ho thuso ea maoto, ‘mele o tla shebala o etsa motjeko o tlontlolang.

Hona ho ts’oana le Kereke.

Litho tse ling li ikemiselitse ho koetla. Litho tse ling ha li khone kaha li so ka li hlomelloa le ho hlophisetsoa ts’ebetso ho hang. Qetello ke hore kereke e bonahala e etsa motjeko o sa bonahaleng hantle.

Notes

—

PUSO/TSAMAIISO EA KEREKE

Notes —

Mohlala #5:

Booko bo re: “Bala o ithute!”

Empa haeba menoana e sa khone ho sebetsa ‘moho le mahlo, ‘mele o ke ke oa khona ho bala, kahoo kholo e ke ke ea ba teng.

Mahlo a nahana hore a ka etsa sohle. A etsa hore ho hlake hore ha a hloke thuso ea setho se fe kapa se fe. A batla ho etsa mosebetsi oa oona le mosebetsi oa ba bang. Menoana e re: “Ho lokile, tsoelapele o bale kantle ho ‘na. Ha re bone hore na u tla khona ho phetla maqephe a buka mahlo! Ha mahlo a leka ho bala kantle ho thuso ea menoana, (mahlo a leka ho phetla maqephe a buka), ‘mele o tla lahleha.

Hona ho ts’oana le kerekeng.

Hona le litho tse batlang ho etsa sohle. Ba bang ba qetella ba ferekana, ‘me ba qeteletse ba se ba sa etse mosebetsi oa bona, ba bona ba se na monyetla. Qetello ke hore kereke ea lahleha. ‘me kholo e ke ke ea ba teng.

Mohlala #6:

Booko bo re “Bala”

Empa haeba mahlo a sa batle ho sebetsa ‘moho le menoana, ‘mele o ke ke oa khona ho bala (‘me kholo e ke ke ea ba teng).

Menoana e ikemiselitse ho bala. Menoana e phetla maqephe a buka. Mahlo oona a botsoa, a boima. A batla ho robala halofo ea letsatsi, a boetse a batla ho sheba baroetsana ba batle halofong e ngoe ea letsatsi. Ha menoana e ka leka ho bala kantle ho thuso ea mahlo (ho phetla maqephe o sa khone ho bala), hoo e tla be e le lefela le ts’enyo ea nako.

Hona ho ts’oana le kerekeng.

Litho tse ling li ikemiselitse ho bala. Litho tse ling li botsoa. Ba batla feela ho phomola. Ha ba batle ho nka karolo Bosebeletsing ba Kereke. Ba na le lintho tse ling tseo ba batlang ho li etsa joaloka ho robala le ho sheba baroetsana ba batle, qetello ke hore, Bosebeletsi ba Kereke bo fetoha lefela. Ha e hole.

PUSO/TSAMAIISO EA KEREKE

D. Kemahanyo le ts'ebeliso ea Tsamaiso ea “Mele”.

Notes

1. Hangata kereke ha e khone ho hola hoba baetapele ba eona ba fapakaneng ha ba batle ho tla le ho sebetsa ‘moho.
 - a. Baprofeta ha ba batle tsela eo Balisa ba etsang lintho ka eona (ba nahana hore Balisa ba bonolo haholo ha ba sebetsana le batho).
 - b. Balisa le bona ha ba batle mokhoa oo Baprofeta ba etsang lintho ka oona (ba nahana hore Baprofeta ba khanna batho ka thata).
 - c. Baevangeli ha ba rate Baruti (ba lumela hore Baruti ha ba na cheseho le mojaro bakeng sa meea e lahlehileng).
 - d. Baruti ha ba rate Baevangeli (ba re Baevangeli ha ba na cheseho le mojaro oa ho alosa le ho fepa mohlape).
2. Empa sekhurumetso sa mathata ana oohle ke hore, ho a bonahala hore bohle rea hlokana.
 - a. Kamor’a hore motho a qholotsoe ke Moprofeta, o hloka ho hlabolloa ke Molisa kapa ho seng joalo o tla imeloa.
 - b. Kamor’a hore motho a khothatsoe ke Molisa, o lokela ho qholotsoa ke Moprofeta, ho seng joalo o tla robala.
 - c. Kamor’a hore motho a bolelloe evangeli ke Moevangeli, o tla lokela ho rutoa ke Moruti kapa o tla qetella a tloha ho Molimo.
 - d. Kamor’a hore motho a rutoe ke Moruti, o lokela ho etelloapele ke Moevangeli ho ea mosebetsing oa ho bolella ba bang evangeli, ho seng joalo o tla fetoha Mokreste ea botsoa. Hape, hore Moruti a be le batho bao a ka ba rutang, o hloka hore Moevangeli a bolelle batho evangeli e re ha ba tla, Moruti a ba rute.
3. Kereke e tla hola ha mefuta e fapakaneng ea baetapele e ka ithuta ho sebetsa ‘moho, ha ba bona tlhoko besebeletsi ba e mong.
 - a. Botsamaisi ba kereke bo tla bopeha joaloka ‘mele.
 - b. Setho ka seng se tla lumelloa ho etsa “karolo” ea sona.

PUSO/TSAMAIISO EA KEREKE

Notes

- c. Karolo ka ngoe ea boetapele, e tla koetlisa le ho rupela ba bang kahar'a kereke ho etsa "karolo" ea bona.
- d. Kereke e tla hola hobane, likarolo tsa boetapele li tla ikatisa le ho itsoala hape le hape.
- e. Hona ho ka etsahala ha feela botsamaisi ba kereke e le ba "Mele".

E. Mosebetsi o lumellang Tsamaiso ea 'Mele.

1. Kereke e lokela ho feta linthong tse latelang bakeng sa ho etsa tikoloho e ntle bakeng sa tsamaiso ea kereke hore e be ea 'mele.
 - a. Seo kereke e lokelang ho se tseba le ho se lumela.
 - 1) Tabatabelo ea Molimo ea bongoe 'meleng (Jn 17).
 - 2) Thahasello e kholo ea Molimo ea ts'ebetso ea likarolo tse fapaneng kahar'a 'mele (1 Bakr12:18).
 - b. Seo kereke e lokelang ho se etsa.
 - 1) Setho ka seng se lokela ho sebelisa neo ea sona ho hahisa 'mele (Bar12:6).
 - 2) Setho ka seng se lokela ho lumelloa le ho khothaletsoa ho sebelisa neo ea sona bakeng sa ho hahisa 'mele (Bar 12:6).
 - c. Seo kereke e lokelang ho se nahana (ho ba le nchafalo ea kelello).
 - 1) Se nahane haholo ka uena ho feta ba bang (Bar 12:3).
 - 2) Nahana ba bang ba le baholo ho u feta (Baf2:3).

PUSO/TSAMAIISO EA KEREKE

- d. Seo kereke e lokelang ho se utloisisa (ts'enoletso e amohetsoeng).
- 1) Setho ka seng se lokela ho elelloa le ho ananela hore se hloka bosebeletsi ba ba bang ba sa ts'oaneng le eena (1 Bakr12:19-22).
 - 2) Setho ka seng se lokela ho utloisisa tlhoko ea bongoe phapanong kahar'a 'mele oa Krete.
2. Ntho ena ke mosebetsi o nkang nako. Tsela eo motho a lumelang ka eona, e tla ama seo a se etsang. Lintho tseo motho a li etsang li tla ama tsela eo a nahanang ka eona. Tsela eo motho a nahanang ka eona e tla ama kutloisiso ea hae.
- a. Batho ba kereke ba lokela ho lumela hore Molimo o hloka bongoe.
- 1) Ha ba lumela seo, ba tla batla ho ba karolo ea sehlopha.
 - 2) Ba tla batla ho tlatsetsa ka ho sebelisa lineo tsa bona.
 - 3) Ha ba etsa joalo, ba ke ke ba khona ho inahana bo-bona feela.
 - 4) Ba tla bona phapano pakeng tsa liketso tsa botho le liketso tsa Krete kahar'a bona (e leng neo ea bona).
- b. Batho ba Molimo ba lokela ho lumela hore Molimo o batla bosebeletsi ba likarolo tse fapakaneng.
- 1) Ha ba lumela hoo, ba tla khona ho lumella le ho khothaletsa ba bang ho sebelisa lineo tsa bona.
 - 2) Ha ba etsa hoo, ba tla khona ho nahana ka ba bang haholo hobane ba tla be ba bona Krete ea ka ho bona ka lineo tsa bona.

Notes

—

PUSO/TSAMAIISO EA KEREKE

Notes

- c. Tsena tsohle li tla beha litholoana tse kholo, tse babatsehang haholo. Ho tla ba le bophelo bo bocha hobane ho tla ba le kamohelo ea ts'enoletso e ncha.
 - 1) Ka ketsahalo ena, litho tsa kereke li tla qala ho utloisisa hore ba a hlokana.
 - 2) Neo ea motho ka mong li e ke ke ea sebetsa hantle kantle ho lineo tsa ba bang.
 - 3) Boemo bo botle bo tla etsoa bo lokisetsang hore tsamaiso ea kereke e be teng ka mokhoa oa 'Mele.

F. Litla-morao tsa ho Hana Tsamaiso ea 'Mele.

- 1. Ho etsahalang ha kereke e sa etse see? Ho etsahalang haeba kereke e sheba lineo ka tsela e se nang tekano e ntle?
 - a. Mohlala, ho etsahalang haeba molemi a shejoa a le moholo ho feta ea noesetsang (1 Bakr 3:4-7).
 - b. Qetello ke hore kereke e ke ke ea hola, hobane e tla lula e noa lebese joaloka bana (1 Bakr 3:1-3).
- 2. Botsamaisi ba Kereke bo bohlokoa haholo. E lokela e be ka mokhoa oa 'mele kaha kereke e le 'mele.

Ntlha ea Puisano

Sebelisa pale ena ho bonts'a tlhoko ea hore baetapele ba sebetse 'moho ho hahisana.

PUSO/TSAMAIISO EA KEREKE

Mohlala oa Sengoli:

A ku nke ka kelellong ea hau hore, khale-khale mollo le metsi e ne e le lira tse kholo. Mollo o ne a re ke eena motsoalle e moholo oa batho. O ne a pheha lijo tsa bona. Mollo a boetse a re metsi ke sera sa batho. Hobane ka nako e ngoe metsi a na a theoha ka sekhhohola thabeng, e be a senya matlo le ho bolaea batho.

Leha ho le joalo, metsi le eena a re ke motsoalle e moholo oa batho. O hlatsoa liaparo tsa bona. A re mollo ke sera se sehlo sa batho. Ka nako e ngoe, mollo o lahlehelo a ke taolo e be o chesa matlo le ho bolaea batho.

Eaba ka selemo se seng, pula ha e be teng. Hona ha fetola boemo ba leholimo. Ha bata haholo. Bana ba lla. Batho ba qala ho shoa. Metsi a thabeng a qala ho hlora haholo. Ho ne ho se letho leo a ka le etsang. Hang-hang, mollo oa mathela bathong ho ba futhumatsa. Ba ile ba pholoha. Eaba metsi a re: “Mollo o hantle bakeng sa batho.”

Leha ho le joalo, kamor’a matsatsinyana, batho ba ile ba qala ho shoa ka baka la hoba ho ne ho se metsi. Mollo le eena a hlora. Ho ne ho se seo a ka se etsang. Hang-hang, metsi a thabeng a theoha, batho ba noa, ‘me ba pholoha. Eaba mollo o re: “Metsi a hantle bakeng sa batho.”

Eaba mollo le metsi ba ea shebana. Ba buisana hore ba ne ba fositse bobeli ka tsela eo ba neng ba shebana ka eona pele ho moo. Ba ile ba ts’oarana. Nakong eo ba ts’oaranang ka thabo, ba mamarelana, ho ile ha etsahala lintho tse peli. Ea pele, mollo o ile oa lahlehelo a ke karoloana ea ts’usumetso ea oona, le metsi a lahlehelo a ke karoloana ea matla a oona. Taba ea bobeli, karoloana tsa bona tse ileng tsa lahleha ho tloha ho bona, li ile tsa etsa moholi o tlohang ho bona ho ea ka holimo ho bona.

Molemong oa pale ea rona, leru/moholi o ileng oa haheha ka holimo ho lintho tsena tse peli, e ka nkoa e le Moea o Halalelang. Hape ntho e ileng ea etsahala pele, ke thuto e fumanoang ho Jn 3:30. Mollo le metsi li ile tsa tlameha ho kokobela bakeng sa hore moholi oona o phahame.

Hona ho ts’oana le litho tsa kereke. Ke batho ba sa ts’oaneng joaloka mollo le metsi. Hangata, batho ba shebana hampe malebana le ho se ts’oane ha bona ho ena le hore ba shebane le moo ba ka kopanang/hokahanang teng. Ha ba elelloe tlhoko ea hore ba sebetse hammoho, ha ba bone hore ba hlokana.

Qetellong, ha ba bonana bohlokoa e mong ho e mong. Ba kopana. Molimo o oa tlotlisoa le ho phahamisoa joaloka moholi/leru lela. Leha ho le joalo, litho tsena tse peli li ile tsa lokela ho shoa bo-tsona pele (Jn 3:30).

Notes

—

PUSO/TSAMAIISO EA KEREKE

Notes —

IV. Boetapele ba Tsamaiso ea Kereke.

A. Testamente e Ncha e ruta Bongata/'Moka oa Boetapele (boetapele ba kopanelo).


1. Kamehla batho ha ba utloisise ntho ena hantle, lebaka ke ho loba kutloisiso ea mantsoe a Bibeletse malebana le taba ena.
 - a. Mantoe a Bibeletse:
 - 1) Bishopo (ke episkopo ka Segerike).
 - 2) Molisa (ke poiman ka Segerike).
 - 3) Moholo (ke presbuteros ka Segerike).
 - b. Litsamaiso tse ngata, tse fapakaneng tsa Kereketse, li ipapisa le ho loba kutloisiso, ka hore mantsoe kapa mabitso ana, a bonts'a maemo a mararo a sa ts'oaneng.
 - 1) Boemo bo bong ke bo emetsoeng le ho bonts'oa ke Bishopo kapa moetapeletse ea nang le taolo likereketse tse 'maloana, tse fapakaneng.
 - a) Ka bomalimabe, boemo ba hae, bo fetoha ba 'musisi ea 'nots'i, e kang oa polotiki. O sebelisa matla le Ts'usumetso ea hae ho thibela ba bang ho baka ts'oso boemong ba hae.
 - b) O qala a bonts'e puso kapa tsamaiso ea **tirano**.
 - 2) Boemo bo bong bo bonts'oa ke Molisa ea nang le taolo holima kereketse e itseng ea lehae.
 - a) Ka bomalimabe, hangata o fetoha "Monna-mong" ea nang le matla le boikarabello bohle kerekeng eo.
 - b) O qala a bonts'e mekhoe ea **'Musi ea hatellang, a likhoka**.
 - 3) Boemo bo bong ke ba Moholo ea ka tlasa Molisa.
 - a) Ka bomalimabe, ba khethoe ka mokhoe oa puso ea sechaba, kapa ba fumane maemo ka baka la batho bao ba ba tsebang, kapa seo ba leng sona (licheleteng, matleng), kapa lelapa leo ba tsoang ho lona.

PUSO/TSAMAIISO EA KEREKE

b) Hona ho qala ho hlalisa mofuta oa tsamaiso oa **Bohare**.

Ntlha ea Puisano

bua ka sets'oants'o sena, se bonts'ang khaeho ea tsamaiso e sebetsanang le likarolo tse tharo tsa boetapele e le maemo a fapaneng a taolo le matla.



c. Leha ho le joalo, ha ho tllalohanyo ea letho pakeng tsa mantsoe ana Testamenteng e Ncha. Ke mantsoe a fapakaneng a hlalosang motho ea ts'oanang, kapa boemo bo ts'oanang. Ke mantsoe a mararo a hlalosang moetapele oa kereke.

1) Boithuto ba Liketso 20:17, 18, 28.

- a) Temaneng ea 17, 18, re bona hore Paulosi o ne a bua le “presbuteros” (**baholo**) ba kereke.
- b) Temaneng ea 28, o ile a ba bolella hore ke bona “episkopos” (**bo-bishopo**).
- c) E be, o laela **baholo** bana bao e neng e le **bo-bishopo** ho “poiman” (**ho lisa/ho alosa**) kereke.

2) Boithuto ba 1 Pt 5:1, 2.

- a) Temaneng ea 1, Petrose o khothatsa “presbuteros” (**baholo**) ba kereke.
- b) Temaneng ea 2, o ba bolella ho “poiman” (**ho lisa/ho alosa**) mohlape.
- c) E be o laela **baholo** bana bao e leng **balisa** hore e be “episkopos” (**bo-bishopo**).

Notes

PUSO/TSAMAIISO EA KEREKE

Notes —

- 3) Boithuto ba Sof 2:6, 7. Hlokomela tsela eo “poiman” (**molisa/moalosi**) temaneng ea 6, 7a e sebelisitsoeng ka phapanyetsano le taba ea ho ba “episkopo” (**bishopo**) temaneng ea 7b (“ho hlokomela”).
- 4) Bala 1 Tim 3:1 le Tite 1:5-9.
 - a) Lethathamo la libopeho ho 1 Tim 3 ke bakeng sa “episkopos” (**bo-bishopo**).
 - b) Re boetse re bona lethathamo le ts’oanang ho Tite 1. Leha ho le joalo, temaneng ea 5, Paulosi o re libopeho tsena ke tsa “presbuteros” (**baholo**). E be temaneng ea 7, o tsoelapele ka lethathamo le ts’oanang feela a re ke la “episkopos” (**bobishopo**).
 - c) Na Paulosi o ne a hlanya? O ne a ferekane?
- d. Che! Paulosi o ne a sa hlanye. Paulosi o ne a sa ferekana thutong ea hae. O ne a mpa a sebelisa mantsoe a mararo ho hlalosa ofisi kapa boemo bo le bong ka tsela e tletseng.
 - 1) Ke ntate. Bana ba ka ba ka ‘na ba sebelisa mantsoe a mararo ho hlalosa hore na ke mang.
 - a) **Hlooho ea lelapa** (hona ho hlalosa boemo ba ka).
 - b) **Ntate** (hona ho hlalosa ketso kapa ts’ebetso ea ka).
 - c) **Daddy** (hona ke lebitso la kamano kapa katamelano ea lerato).
 - 2) Paulosi o ile a khetha baetapele kerekeng ka ngoe. O ile a sebelisa mantsoe/mabitso a mararo ho hlalosa baetapele bao.
 - a) **Bishopo** (hona ho hlalosa boemo ba moetapele).
 - b) **Molisa** (hona ho hlalosa khato, ketso kapa ts’ebetso ea moetapele).
 - c) **Moholo** (hona ke lebitso la boemo kapa la tlhompho bakeng sa moetapele).

PUSO/TSAMAIISO EA KEREKE

Ntlha ea Puisano

Notes —

Bua ka maikutlo kapa o arabe lipotso tse ling tse amanang le ts'ebeliso ea phapanyetsano ea Moholo, Molisa le Bishopo, Testamenteng e Ncha.

2. Bongata/pokano ea boetapele ha e sebelisoa hangata. E tloisoa mahlo holimo. Leha ho le joalo, Bibe e hlakile.
 - a. Lentsoe **Moholo** (hopola hore bakeng sa Paulosi, lentsoe lena ne le lokela ho sebelisoa ka phapanyetsano le **molisa** le **bishopo**) le sebelisistsoe makhetlo a 20 Testamenteng e Ncha, le bolela moetapele oa kereke.
 - b. Lentsoe **moholo** le sebelisoa kamehla ho supa bongata. Ha le sebelisoa le bonts'a bongoe ho hang. Ha ho moo ho buuoang ka motho eo e leng molisa a le mong ho hang Testamente e Ncha. Ho no ho na le bongata boetapeleng.
 - b. Kereke e ngoe le e ngoe ea Testamente e Ncha, e ne e na le baholo ba bangata.
 - 1) Baholo ba ile ba behoa kerekeng ka ngoe. (sheba Liketso 14:23).
 - 2) Paulosi o ile a ea Efese eaba o bitsa baholo ba Kereke. (shebe Liketso 20:17).
 - 3) Paulosi o ile a lumelisa baalosi/balebeli/baokameli ba kereke ea Filipi. (sheba Baf 1:1).
 - 4) Paulosi o bua ka baholo ba neng ba ikarabella tsamaisong ea kereke (sheba 1 Tim 5:17 le Tite 1:5).
3. Kakaretso le qetello
 - a. Kakaretso.
 - 1) Testamenteng e Ncha, **bishopo**, **molisa**, le **moholo**, li sebelisoa ka mokhoa o fapanyetsanang ho hlalosa boemo ba boetapele kerekeng ea lehae.
 - 2) 'me, boetapele bona kamehla bo ne bo le bongateng.

PUSO/TSAMAIISO EA KEREKE

Notes —

b. Qetello.

1) 1 Tim 3 le Baf 1:1 li bonts'a khaeho e ntlha-peli ea tsamaiso ea Kereke.

a) Ts'ebeliso ea bongata ea baholo (kapa bo-bishopo, kapa balisa).

b) Ts'ebeliso ea bongata ba baticakone (basebeleksi).

2) Liketso 14:23, 1 Tim 3, le Tite 3, li bonts'a mokhoa oo boetapele bo neng bo khethoa ka oona.

a) Tataiso ea Semoea (Liketso 14:23—thapelo le boitimo).

b) Tataiso ea tlhomamiso (1 Tim 3 le Tite 3, lethathamano la libopeho tsa khetho).

B. Boetapele ba batho ba bangata bo hloka Bohle ba ikokobetse e mong ho e mong.

1. Tsela e le ngoe feela eo boetapele ba batho ba bangata bo ka sebetsang, ke ha sehlopha sa baetapele se tiisitse ebile sena le kopano le khokahano 'moho.

2. Thapelo e etsoang hammoho letsatsi ka leng e ka tlisa katleho e batsi, hobane boikokobetso e mong ho e mong bo tla hola.

3. Boikokobetso ba e mong ho e mong, ke tsela ea mantlha e ka thusang ho akofisa boetapele ba batho ba bangata. Moetapele ka mong o lokela ho kenana le ho tsebisisa bosebeleksi ba baetapele ba bang. Ka boikokobetso, lerato, le ts'abo ea Molimo, boikokobelletsano bo lokela ho hahoa.

4. Ka holimo ho tsohle, boetapele ba bongata ke moea le sebopeho sa boetapele.

a. Ha se mokhoa o le mong feela oo likereke tsohle li lokelang ho o sebelisa. Ho tla ba le phapano lintlheng tse hahang mokhoa oona oa ts'ebetso.

b. Leha ho le joalo, molao oona o lula o ts'oana. Matla, taolo le boikarabello kahar'a boetapele ba kereke ea Testamente e Ncha, li ne li se matsohong a motho a le mong. E ne e le mosebetsi oa sehlopha.

PUSO/TSAMAIISO EA KEREKE

Ntlha ea Puisano

Notes

ke lits'ita li fe tse lokelang ho hloloa bakeng sa ho lumella boetapele ba bongata, bo nang le boikokobetso ba 'nete, bakeng sa kereke ea hau?

V. Sepheo sa Botsamaisi ba Kereke.

A. Hobaneng Popeho ea Tsamaiso ea Kereke e le ea Mofuta oa 'Mele?

1. Hobane kereke ke 'mele.
2. Ho Krete ha ho motho a mong.
3. Krete o na le liofisi kapa mafapha a fapakaneng a bosebeletsi (Moprofeta, Moprista, Morena). Ha ho moetapele a ka bang le liofisi tsena kaofela. Leha ho le joalo, sehlopha sa baetapele se ka ba le tsona kaofela.
4. Kereke e hloka mofuta ena e fapakaneng ea baetapele, hobane hona le mofuta e mengata e fapaneng ea bosebeletsi kahar'a kereke.
 - a. Kereke e tla feta "lihla" tse fapakaneng moo ho tlang ho ba le ts'ekamelotso mofuteng o le mong oa boetapele.
 - b. Lihla li ea fetoha, 'me mofuta oa boetapele o lokela ho fetoha.

B. Mabaka a Tsamaiso ea Kereke ke a fe?

1. Ho hahisa 'mele (Bae 4:12).
 - a. Sepheo sa tsamaiso ea Kereke ke ho hahisa bahalaleli (sheba Bae 4:12).
 - b. Lentsoe "khahiso" ho tsoa puong ea Segerike, ke lentsoe le neng le sebelisoa ke lingaka ho bolela "ho tsetsisa lesapo." Hona ho bolela ho beha lesapo sebakeng se nepahetseng 'meleng.
 - c. Lentsoe le ts'oanang le sebelisitsoe ho Mareka 1:19 ("**ho rokahanya matlooa**"). Mona le teng re fumana maikutlo a ho hokahanya kapa ho kopanya likarolo.
 - d. Ho hlomella/hahisa 'mele ke ho koetlisa le ho hlophisa 'mele.

PUSO/TSAMAIISO EA KEREKE

Notes

2. Ho thusa ‘mele ho hola (sheba Bae 4:12).
 - a. Tsamaiso ea Kereke e lokela ho hlahisa kholo (khahiso ea ‘mele).
 - b. “ho hahisa” ke sesupo sa khaho. ‘Mele o oa hahoa.
3. Ho beha ‘mele bongoeng (sheba Bae 4:13).

Ntlha ea Puisano

Ke litsela li fe tse ka sebetsang tseo baetapele ba kereke ba ka li sebelisang ho hahisa, ho thusa ho hola le ho thusa bongoeng ba kereke?

VI. Mokhoa oa Tsamaiso ea Kereke.

A. Bosebeletsi.

1. ‘Musisi oa ‘nete oa Kereke o na le mokhoa o le mong oa tsamaiso. O ile a hlalosa mokhoa oona ha a ne a re: “Hobane le eena mor’a Motho ha a tlela ho sebeletsoa, empa e le **ho sebeletsa** (Mar 10:45).
2. Botsamaisi ba Bibe (taolo) ha se mohloli oa bosebeletsi. Empa, bosebeletsi ke mohloli (mokhoa) oa botsamaisi ba Bibe.
 - a. Lipuso tsa lefats’e li sebelisa matla le taolo, ‘me ba li bitsa bosebeletsi (Mar 10:42).
 - b. Tsamaiso ea kereke e amanang le Bibe, e sebelisa bosebeletsi bo hlahisang matla le taolo (Mar 10:43,44).
3. Botsamaisi ba kereke bo amahangoa le ketso kapa ts’ebetso. Ha e ikamahanye le khatello ea matla, boemo, kapa bohanyetsi.

PUSO/TSAMAIISO EA KEREKE

Ntlha ea Puisano

Ithute sets'oants'o sena 'me o se sebelise ho akofisa puisano le ts'ebeliso ea kamahanyo e malebana le bosebeletsi le matla.

BIBELE

LEFATS'E

Bosebeletsi—— Matla le taolo
(ba etsang bosebeletsi ke baetapele)

Matla—— Bosebeletsi
(ba sebelisang matla ke baetapele)

Notes

—

B. Taolo le Matla a Tlholeho.

1. Bible e ruta hore tsela ea ho fumana matla le taolo ke ka ho ba mosebeletsi (Math 23:11,12;Jn3:30;Luk 22:25,26).
2. Moetapele o lokela ho etellapele ka bosebeletsi. Qetello ke hore moetapele o fumana matla a tlholeho. Popeho ea tsamaiso ea Kereke ke ketsahalo ea tlholeho (sheba 1 Tim3:13).
 - a. Basebeletsi ba fumana ho hong.
 - b. Ba fumana boemo bo holimo le tlhompho.
 - c. Tlhompho ena e kenyeletsa “sebeta se seholo tumelong”.

Ntlha ea Puisano

Ithute sets'oants'o sena e be u bolela ho re na matla a tlholeho a fumanoa joang ho tsoa tlhomphong e tsoaloang ke bosebeletsi.

BOSEBELETSI——TLHOMPHO——MATLA A TLHOLEHO

PUSO/TSAMAIISO EA KEREKE

Notes

VII. Litholoana tsa Botsamaisi ba Kereke.

A. Katiso ea Boetapele(kabo ea maikarabello le matla).

1. Katiso e hlalisoa ke kopano(tsamaiso) (sheba 2Tim 2:2).
2. E ts'oana le sefate. E hola ka tsoalano (katiso) (sheba Mar 4:30-32).
3. Lefats'eng, batho ba leka ho ts'aoarella matleng le menyetleng ea bona. Empa 'Musong oa Molimo, ho lebeletsoe hore motho a se ts'oarella matleng le menyetleng, a fetisetse ba bang. U lokela ho fana ka seo o se fuoeng, hoba ke ha feela o lokolla seo o se ts'oereng o tla bona litholoana li behoa (Jn12:24,25).
 - a. Hona ke e ngoe ea lithuto tse ka fumanoang papisong ea litalenta.
 - b. Re lebeletsoe ho atisa seo re se nehiloeng (Math 25:14-30).
4. Lefats'eng, batho ba nahana hore, ba nang le matla le menyetla ba na le tokelo ea ho phomola.
 - a. Tsamaisong ea kereke, re bona molao oa 'nete o fapaneng le oa lefats'e (Luk12:48).
 - b. Molao oona ke oa 'nete hobane:
 - 1) Qetello ea matla (tsamaiso) e lokela e be katiso ea matla ao.
 - 2) Seo re se amohetseng (matla le menyetla)re se nehiloe mahala. Kahoo re lokela ho fana ka hona, re atise mahala. (Math 10:8; 1 Bakr4:7).
5. Katiso ha se ntho ea semoea feela. E bile ke ntho e nang le tatellano. D.L. Moody o re: "Nka mpa ka fumana batho ba 10 ba ka etsang mosebetsi, ho ena le ho etsa mosebetsi oa batho ba leshome."
6. Baetapele ba lokela ho phetha bosebeletsi ba bona ba ntse ba tsoala le ho atisa bosebeletsi boo ho ba bang (Bae 4:11,12).

PUSO/TSAMAIISO EA KEREKE

Notes —

Beha Mohlala oa hau

B. Mokhoa oa ho Atisa Baetapele.

1. Boetapele le batho ba kerekeng ba lokela ho sebetsa ‘moho.
 - a. Baetapele ba lokela ho ba le thahasello ea ho atisa boetapele. Ba lokela ho bua seo Moshe a ileng a se buoa ho Numere 11:14,27-29.
 - b. Batho ha ba lokela ho ba botsoa. Ba lokela ba khone ho bua seo Baisraele ba ileng ba se buoa ho Moshe ho Deutr 1:14.
2. Boetapele le batho ba kereke ba lokela ba hahe mekhoha ea ho kenyeletsa litho tsohle tsa ‘mele bosebeletsing ba Kereke.

PUSO/TSAMAIISO EA KEREKE

Notes —

Tlhahiso ea Sengoli:

A ko be le seboka sa kereke eohle.

Beha litafole tse bonts'ang mefuta e fapakaneng ea bosebeletsi.

Bolella batho ho lula tafoleng e lumellanang le bosebeletsi ba bona.

Fa sehlopha sena se qetang ho etsoa nako ea hore ba bonts'e boitolobetso e mong ho e mong le bosebeletsing.

Rapela o khethe le baetapele (baholo ba lokela ho rapela le sehlopha ka seng).

Baholo ba tla koetlisa baetapele.

Baetapele ba koetlise lihlopha.

Ntlha ea Puisano

Bua ka mekhoha eo baetapele ba kereke ea hau ba ka atisang boetapele ka eona.